

沈岩 方寶川 主編

船政奏議全編



國家圖書館出版社

沈 岩 方寶川 主編

船政奏議全編 二

國家圖書館出版社

第二冊目錄

船政奏議彙編

卷十四至卷二十四

.....

船政奏議彙編卷十四目錄

吳贊誠一

報明船工近日情形摺

鐵廠布置及自製機器酌改省煤新式片

考校學生閱操各船飭募教習片

鐵廠船興工並續陳廠務情形摺

十八號船調員管駕飭赴金陵差遣片

調員接辦總監工事務片

十九號輪船下水並續陳廠工情形摺

製船養船經費兩絀請飭籌濟應片

學生出洋起程日期摺

撤揚武練船教習調吳鎮管操練片

前赴澎湖校閱各船鎗礮片

船政奏議彙編卷十四

吳贊誠

報明船工近日情形摺

奏爲報明船工近日情形恭摺仰祈

聖鑒事竊第十七號五十匹馬力藝新輪船本年三月初三日下水第十八號一百五十匹馬力登瀛洲輪船去年六月十九日安上龍骨均經沈葆楨丁日昌先後

奏明在案藝新輪船工程一律完竣委千總沈有恆管駕先在塢前試輪閏五月十九日該千總會同製造學生汪喬年吳德章等駛出五虎門

外試洋船身堅固輪機靈捷一時約行四十餘里現飭再就近洋演駕數次期益純熟方出大洋以昭慎重登瀛洲輪船五月杪據船廠委員報稱外而灰艙銅板內而火爐機器均已齊備

稟請諏吉下水

臣

謹擇閏五月初二日祭告

天后江神土神船神乘潮縱江具臻穩善船長自前垂線至後垂線計二十丈四尺四寸闊自外舳極寬處量應三丈三尺五寸戰枰至內龍骨計深一丈六尺五寸船頭喫水一丈一尺船尾喫水一丈三尺現在裝豎桅舵鑲配氣管及備辦

零星各項器具一經就緒便可展輪四月間丁
日昌以藝新登瀛洲尅期可竣日意格所辦鐵
脅一時未到船廠須籌續辦之工因查廠中自
製之一百五十匹馬力輪機水鍋合攏完楚者
已有一副南洋曲木尙可敷用當飭船廠委員
趕造第十九號船脅閏五月中旬據報製造齊
全臣謹於是月十九日安上龍骨現在木脅一
百二節鬪合已竣塞匡插脅及內外舢板可以
次第動工臣惟有嚴督在事員紳認真催趲以
期工無曠誤費不虛糜仰答

聖主生成於萬一所有船工近日情形謹會同兩江

總督

臣

沈葆楨福州將軍兼署閩浙總督

臣

文

煜福建巡撫

臣

丁日昌合詞恭摺由驛四百里

具陳伏乞

皇太后

皇上聖鑒訓示謹

奏

光緒二年六月初十日拜發奉

旨知道了欽此

。鐵脅廠布置及自製機器酌改省煤新式片

再鐵脅廠本年三月間起蓋已竣鑽牀剪牀及一切火鑪機器亦已布置妥貼因大鑪屋須展拓七間大煙筒須增高丈餘召匠趕造七月初方能蒞事日意格所辦新式卧機立機及鍋鑪兩副閏五月二十九日到工日來召集夫船趕緊起駁以便合攏一俟鐵脅續到便可興工惟廠中自製一百五十匹馬力之輪機耗煤較多緣開廠之初尙未有康邦新式工匠規摹成法祇可駕輕就熟驟難推陳出新現在既能步趨

自應益求精密已將外國原來康邦輪機全圖
飭學生分手摹繪陸續發廠製模以資仿造第
二十一第二十二等號輪機先已製成未便廢
棄臣經飭日意格與洋匠斟酌稍加增改俾可
省煤據稱須各添小汽鼓二並汽鼓蓋數事工
程尙不甚鉅水鍋則應改製圓筒雖非全式康
邦亦可省煤三分之一已飭繪圖趕製一俟製
成再督令妥爲裝配以期合用所有鐵脅廠布
置及自製輪機酌改省煤新式情形謹會同兩
江總督臣沈葆楨福州將軍兼署閩浙總督臣

文煜福建巡撫_臣丁日昌合詞附片陳明伏乞

聖鑒謹

奏

同日拜發奉

旨知道了欽此

考校學生閱操各船飭募教習片

再臣到工受事後卽親詣學堂畫院考校學生

並督帶揚武飛雲濟安等船赴媽祖灣洋面操
演鎗礮前學堂學生文筆通達明於製造理法
者則以李壽田游學詩羅臻祿吳德章鄭清濂
汪喬年爲最畫院學生善於布算繪圖者則以
古之誠林滋煥爲最其餘皆有一節足錄若再
喫緊用功均屬可造之器後學堂老班學生已
上揚武練習在堂者皆年來新招內惟占熊
羅熙祿唐祐許兆箕鄺聰陳燕年等頗得算學

九
上
三
言
九
上
三
言

門徑洋教習嘉樂爾業經到工正在課督誦習
惟前學堂雖多聰穎之士究竟讀書未多見聞
未廣現在出洋之局既未定議臣擬飭日意格
於該國格致學堂中延訪淹通博雅精於氣學
重學化學者二人來工教導一每月給銀二百
五十兩一每月給銀二百兩並照舊章給安家
來費約定三年爲限如果教導得力三年限滿
給予回費暨兩箇月辛工儻不受節制不守規
矩或教導不力聽憑撤回以免虛糜各船鎗礮
揚武中靶最多飛雲次之濟安又次之而揚武

之中靶則水手又不及學生營務處記名總兵
吳世忠駕駛精穩堪膺督率之任臣現飭其不
時帶同各船出洋操練以期純熟謹會同兩江
總督臣沈葆楨福州將軍兼署閩浙總督臣文
煜福建巡撫臣丁日昌合詞附片陳明伏乞
聖鑒謹

奏

同日拜發奉

旨知道了欽此

